

斐然張先識先生

漢書藝文志方技補注

乙亥仲秋成韻曾默躬敬署



成龍義生
苗所司權

自敘

漢劉向揚雄皆稱史遷有良史之材服其善序事理班固亦以史遷追述功德私作本紀太初以後闕而弗錄故探纂前紀綴輯所聞以述漢書故後世之稱良史者首推史漢論史家特具才學識之三長者必曰遷固也今取二家書而讀之他不具論卽以史遷傳扁鵲倉公與班氏志醫經經方爲方技兩兩衡之可以知班氏才識學之三者皆不及史遷遠甚也夫醫之爲道也上窮天紀下極地理中傍人事玄微幽窈無上甚深是以神農氏作首述本經黃帝垂拱諸務未遑獨與岐伯鬼臾

區雷公少俞伯高諸臣辨難醫藥周公設官分治隸醫
師於天官之屬誠以人生天地間而不留神醫藥以養
其生雖有忠孝之心仁慈之性君父危困赤子塗地無
以濟之蓋醫者生人之大命也其可與龜莢日者等量
而齊視哉然而史遷遠矣其爲扁鵲傳也述長桑君以
溯其源復敘弟子子陽子豹以承其學至其脈色藏府
俞募三焦膀胱以暨割皮解肌決脈結筋瀉洗腸胃漱
滌五臟他如鍼石灼艾諸法靡不賅備無遺仲景所以
覽越人入虢之診望齊侯之色而慨然歎其才秀也其
傳倉公也有公孫光公乘陽慶爲之師又得宋邑高期

王禹馬長馮信杜信爲之徒各傳其五診經脈絡脈鏡石砭灸藥法湯法之學而又論列其治驗二十一條病源病主推究入微皇甫士安謂倉公之學出於素問信非阿也斯固非扁倉之神聖不能如是之精非史遷之博通醫道而又擅才識之專長者其能窮奇盡變如是之詳且盡哉後儒攻醫而有塗轍之可尋堂奧之能入者皆於扁倉乎是賴於是歎史遷之大有造於醫林也班氏去史遷之年未久也其先世旂曾與劉向同校秘書每奏事旂以選受詔進讀羣書上器其能賜以秘書之副文獻未爲不足也其爲書又自謂探纂前紀綴輯

所聞當時黃帝扁鵲之脈書上下經五色診奇胲術藏之蘭臺秘閣必有存者而倉公之門如宋邑高期王禹馬長馮信杜信之徒已二三傳必有發揚而光大者不難諮而考焉是固宜爲倉公列傳依仲尼弟子之例別傳王邑諸人何嘗非史遷前紀意哉乃列傳旣遺倉公復以醫經經方志諸方技其於倉公醫學源流一字不錄而其所著錄者醫經七家經方十一家計一十八家
家存其目而已豈眞書闕有間哉平帝元始五年書舉天下通知方術本草者所在輶傳遣詣京師樓護傳書少誦醫經本草方術數十篇百官志書太醫藥丞主藥

方郊祀志書深澤侯人主方莚文志書侍醫李柱國校方技當是時岐黃典籍充棟汗牛博採周諮徵文考獻不可謂無其人亡其書也顧於醫經乃曰以瘡爲劇以生爲死於經方乃曰有病不治常得中醫由是以觀班氏之於醫道較史遷爲何如哉讀其書可想見其才與學識矣故惟史遷能傳扁鵲倉公而吸其華惟班氏祇能志醫經經方而存其目此古今醫道消長一大源也自班氏史例一開而後世之爲史者儕醫者於方技傳中與卜巫星相並列非惟醫道之不幸抑亦生人之大厄也可不大哀乎謂余不信請以班氏方技志與史遷

扁倉傳兩兩而衡之則遷固之優劣於此得見一斑矣
今余所補者注也非志也千載而下安得曹昭褚少孫
之博洽多聞相與裨補闕漏而光昭岐黃之鉅典哉雖
然以班氏之才之學之識號稱良史猶於醫道未聞其
畧醫豈方技之流亞哉史遷吾不得而見之矣如褚先
生曹大家其人者庶幾旦暮遇之也乙亥夏日張驥

漢書藝文志方技補注卷上

漢 蘭 臺 令 史 班 固 譔

唐正義大夫行秘書少監琅邪縣開國子顏師古注

雙 流 張 驥 先 識 補 注

黃帝內經十八卷

補注帝王世紀黃帝使岐伯嘗味草木典醫療疾今
經方本草之書咸出又嘗命雷公岐伯論經脈傍通
問難八十爲難經教制九鍼著內外術經十八卷
顓頊經序引黃帝內傳王母金文黃帝得之昇天秘藏
金匱名曰內經百姓莫不見之神仙通鑑帝尊岐伯

爲天師立鬼與區爲少師兼以相國與之上窮天紀
下極地理更相問難闡發玄微推至太素之始八十
一問難作爲內經與伏羲神農之書藏之內府後爲
三墳是黃帝之書統名內經無素問靈樞鍼經之別
史記倉公傳陽慶傳黃帝扁鵲之脈書五色診病又
意再拜謁受其脈書上下經五色診奇胲術亦無素
靈鍼經分別至張仲景撰用素問九卷爲傷寒卒病
論素問之名始見晉皇甫謐序甲乙經云按七畧菴
文志黃帝內經十八卷今有鍼經九卷素問九卷二
九十八卷卽內經也有鍼經無靈樞北齊書馬嗣明

博綜經方甲乙素問隋書經籍志黃帝素問九卷梁
八卷黃帝鍼經九卷黃帝素問八卷全元起注岐伯
經十卷唐書藝文志黃帝明堂經三卷黃帝九靈經
十二卷黃帝八十一難經二卷岐伯灸經一卷舊唐
書經籍志黃帝內經太素三十卷楊上善注靈樞不
著於錄而素問方盛衰論合之五診調之陰陽以在
經脈經脈靈樞篇目也又診有十度度人脈度藏度
肉度筋度俞度通評虛實論帝問形度骨度脈度筋
度下無對語語在靈樞王冰注素問引靈樞者九十
四條此固不可右素問而左靈樞也蓋黃帝內經爲

後人所亂篇弟不同名稱各異皇甫謐曰鍼經曰素問明堂孔穴鍼灸治要三部同歸統名甲乙全元起訓解則曰素問楊上善則纂而爲太素由王冰至南宋史崧作音釋欲以九卷配王氏之注迺分其卷爲二十四分其篇爲八十一元至元間並王注素問一十二卷又並史崧靈樞之卷以合素問素問靈樞統稱內經卽今以最古之甲乙校全氏訓解則篇弟不同以全氏訓解校楊氏太素起玄注本則篇弟又不同蓋自史崧以來雖統名內經早非黃帝之舊後之學者若張介賓若吳崑若馬蒔若張志聰義有可取

統宜究之以紹述軒岐氏之絕學也茲將全元起楊上善二家卷目附後備考

附全元起本卷目

按全本宋代猶存今據新校正所載卷目如左

卷第一

凡七篇

平人氣象論

決死生論

今三部九候論

藏氣法時論

今第六卷脈要篇末重出

宣明五氣篇

今血氣形志篇併在

此篇末

經合論

今離合真邪論第二卷重出名真邪

調經論

四時

刺逆從論

連六卷從春氣在經脈分在第一卷

卷第二

凡十篇

移精變氣論

玉版論要篇

診要

經終論

八正神明論

眞邪論

重出

標本病傳論

皮部論篇末有經絡論 氣穴論 氣府論 骨空論自灸寒熱

之法已下在第六卷刺齊篇末 繆刺論

卷第三凡六篇 陰陽離合論 十二藏相使篇今靈蘭秘

典論 六節藏象論 陽明脉解篇 五藏舉痛論今舉

痛論 長刺節論

卷第四凡八篇 生氣通天論 金匱真言論 陰陽

別論 經脉別論 通評虛實論 太陰陽明論

逆調論 痿論

卷第五凡十篇 五藏別論 湯液醪醴論 熱論

刺熱論 評熱病論 瘧論 腹中論 厥論 病

能論 奇病論

卷第六 凡十篇

脉要精微論

玉機真藏論

刺禁

論

今寶命全形論

刺瘡論

刺腰論

刺齊論

今刺要論出於

此篇

刺禁論

刺志篇

鍼解篇

四時刺逆從論

春氣在經脉至篇末在第一卷

卷第七

闕

卷第八

凡九篇

痺論

水熱穴論

四時病類論

今著

至教論在於此篇末

從容別白黑

今示從容論

論過失

今疏五過論

方論得失明著

今徵四失論

陰陽類論

方盛衰論

方論解

今解精微論

卷第九凡十篇 上古天真論 四氣調神大論 陰

陽應象大論 五藏生成篇 異法方宜論 厥論

今氣厥論併此 欬論 風論 大奇論 脉解篇

凡八卷七十一篇除四時刺逆從真邪厥論三篇複出則爲六十八篇

附黃帝內經太素本卷目

依太素篇目校勘今本及新校正本俾諸本異同瞭如指掌以爲治經之助

第一卷原佚 攝生之一

飲食有節起居有常度不妄不作素問上古天真論以下並同

上古聖人之教也下皆爲之○身肌宗一○有至人